

C.N.M.I. ARCHIVES ORAL HISTORY PROJECT
FORMER MUNICIPALITY OF SAIPAN
BUILDING, CHALAN KANOVA
VILLAGE

Interviewee

*The Hon. Vicente T. Camacho
Speaker, Saipan Municipa Council*

Interviewer

Mr. Herbert S. Del Rosario

Date

June 16, 1998

Transcribed & Translated by

Nominanda L. Kosaka

Folklore Researcher/Illustrator

CNMI Archives

&

Herbert S. Del Rosario

Director

CNMI Archives

Video by

Isaac Ngirbabul

Media Service Specialist

This Project is funded by the U.S. Post Office, to document information pertaining to the Municipality of Saipan Building in Chalan Kanoa . The CNMI Archives contacted and interviewed several individuals who have knowledge about the building's historical background.

*Oral History Interview
Mr. Vicente T. Camacho
June 16, 1998*

Introduction: Buenas Tardes, pago na haane Junio 16, 1998. Ya enkuenta di Northern Marianas College, Yan I Ofesinan Historic Preservation, Malagoyo na bai huchule este na oppotunidad, ya baihu extended un dankulo na appresiasion, para si Senot Vicente Taitingfong Camacho, poti hana possible I tiempona para hu estoriaye hit didide pot ayo na guma, I hagas na guma Munisipat giya Chalan Kanoa. Ya pago sumen magof yo na tatutuhun I estoriata.

K: Mr. Camacho, sangane yo fan didide ni hinasommo tatte gi anai ha-tutuhon dumankulo mona iya Saipan, ya un hasso ayo guiya Chalan Kanoa hayo I ofesinan Munisipat? Sangane yo fan didide pot I tiningomo pot ayo na lugat?

I: Okay, Mr. Rosario, Del Rosario. Finenina taiguine este. Yake un fafaisen yo pot ayo I gima Municipat hafa tutuhonna. Nu, I tutuhonna mahatsa este gi tiempon Hapones nai, para kantina este, para ayo siha na membro yan hotnalero ni man machochocho gi kompanian Kohatsu nai. Nanyo Kohatsu Kaisha, corporation I sugar manufacturing, Sugar Factory, sugar cane, rather. Pues todo ayo siha I man machochocho gi kompanian I asukat nai, I tipu I man membro siha. Man ma konsidedera komu man elihible siha para ufan mamahan gi discount siha na presio nai. Pues mafa tienda antes siha na tiempo. Pues anai gumuaha este siha

na geran "El Mundo Dos", "World War II" nu, man mayamak palo siha na guma
guihe. Hapones ayo siha man gaiyo antes. Pues I natibu siha man mapolo gi Camp
Susupe. I otroi I Okinawa na Camp niha, sange I Hapones Camp niha, sange I
Amerikano nai man gaige siha gi bisino nai man gaige guihe na tiempo nai. Pues
hita man estaba hit ni man Natibu, gui na tiempo gi Camp Susupe, desde 1944
gi an tilache yo nu, asta Augusto, Septiembre. Fanaan asta guaha nu ma organisa
giya San Jose, mafa Camp este nai antes de uma move luchan Susupe nai. Unos
kuanos ayo I man chadek man marekohe ni Amerikano sa ginen lichan I
Amerikano nai, ginen Agingan, Chalan Kanoa yan guaha fanaan lokkue ginen
lichan didide sa man-halom, pues man ginen lichan I batkada, sigi mona guihe
mofona taotao san-lichan man marekohe I man lalala. Man Camp giya Oleai
este, ayo I mafanaan San Jose, ayo na lugat nai man gaige este I familian Fitial.
Ayogue I primet na Camp I Natibu siha. Despues nu, sigi mona I Hapones ahe I
Amerikano hafa tinase lugatna para I civilian siha ni man lalala. Pues parehoha
Hapones, Okinawa yan Natibu siha nai. Natibu kumeke ilekna todo I taotao
ni man estaba Saipan nai, parehoha Carolinian yan Chamorro siha. Pues man
mapolo I Natibu giya Susupe, Fanaan an tilache yo, desti I ottimu patte gi Julio
nu man estaba giya Oleai, pues man ma move guato Susupe. Anai ma'aregla
ayo, ma kolat ayi sa para security, putnao uguaha humalom guihe para ufan man
estotba gi Natibu siha. Piot este I famalauan siha yan I sendalo siha, kulan mohon

man guaha siha protection. Pues ayo siha na tiempo sigiha de man Misa I taotao giya Susupe. Pues I ottimo guenao yanggen ti lache yo nu, kasi sina baihu alok na Desiembre, gi mit nueve sientos kurentai kuarto, nu ma plano para ma move luchan Chalan Kanoa I Natibu siha. Pues magahet na pomosible enao ya man ma move luchan. Pues megai guihe na guma ayi seblan guma Hapones siha, man manae siha I Natobu para ufanaga guihe. Pues man ma'aregla finenina. Man ma aregla siha I gima ayi sina nu man maigo nai, yan ma chogue siha I checho guma siha gui. Magahet na taya guihe na tiempo para un fahan sa tiempom gera ha ya puroha dibatde I nenkano ginen I militat siha. Magagu lokkue yan todo kosas ni para linalata nai. Todo puro setbisios ginen I militat siha. Pues enao na tiempo nu gumaige lokkue ayo I kumpai, ayo I ta sasangan enao I ayi I pago un fafaisen yo ni ayo na guma nai man hohosmemisa.

K: Giya Chalan Kanoa?

I: Giya Chalan Kanoa.... Pues deste ayo na tiempo nai, kasi huhasuha deste Kuarentai kuarto (44), Kuarentai sinko (45), na sakan tapolo gi Disembre ai. gi Enero, sa kase....yan tilache yo fanaan Nobiembre osino Disembre man ma move I Natibu luchan. Despues, si pale mumumisa guihe nai. Guaha siha guihe na tiempo man tanores, taotao ha nai. Pues deste ayo na tiempo mana sesetbe este na Guma Yuus, astake ufonhayan I este I gaige pago I tana sesetbe pago na Cathedral no. Sa magahet na dankulo I honat I, Natibu siha ni man machochocho,

I manainata siha. Ombres guaho saunao ha yo lokkue anai man machocho gi kada Damengo pat despues di I oran chocho nai. Nu manmanohoka acho pat hafa siha nai. Unai pat hafa siha ni man man guadog, ya megai na acho man manesesita. Pues man hahanao I taotao man e-acho gi fina halom tano siha. Pues sigisigi esta mona astake monhayan nai. Anai monhayan gi kuarentai nuebe, ayu nai matulaika ya ma move I Gima Yuus guato ya... mapolo gui na lugat. Pues ayu na guma i.... ginen manasetbe para Guma Yuus no. Nu manasetbe ha ni Munsipat sa I Muñisipat nu gumaha desde mit nuebe sientos kuarentai siete na sakan, 1947. Ayogue kasi nai matutuhon este anai humuyong I otden ginen I United Nations no. I Trusteeship Agreement. Pues man, man sineda hit guihe, ya mana saonao nai guenao na kategorian I United Nations. Pues I United Nations alakuenta nu sumasatba hit todo magge ginesesidata siha. Pago ginen I Status Unidos nai. Lao sa....a...kulan para hu supervise ha I United Nations este na lugat. I Security Council dumiside na para tafan practice ayu na gobietnamento I para yanggen un dia sinata detemina hafa na gobietnamento tafan halom. Pues desti ayo na tiempo sinata chule ayu na klasen estudio mona nai yan ta praktika, tana guaha Kongresuta, tana guaha Commissioner, tana guaha siha difirentes klasen gurupo nu para ufan gai adenlanta mona I taotaota siha nai. Nu..... I mit nuebe sentos sinkuentai ocho na sakan (1958)...ahe... sientai ocho na sakan 68, nu dumangkulo este

na pagyo, ya Saipan nai ayo I mafanaan Typhoon Jean. Okey, nu esta monhayan I Gima Yuus, ma move kattan, esta I Cathedral ni man gaige pago, lao ti Cathedral guihe na tiempo. Lao ayogue na lugat nai manasesetbe ni Munisipat. Pues I mit nuebe sientos sisentai ocho 1968, I pagyon dankulo na pagyo este, ya man man asisteha I Amerikano sa man disaster hit ginen I pagyo nai. Pues megai na siste humuyong ginen I Amerika, guaha lokkue man man asiste gien Hapon lokkue. Pues man mafato magge ayudo ginen Japan nai para ma'ayuda I Municipat sa lamaulegha gai tiempona si Sablan nai, ya man pareho ham na dos entingo man fino Japanese siha. Pues man atungo ham yan I Hapones siha, pues maolek I relasion pues ayogue na man mato lokkue man man ayuda, sa yan niha lokkue uma kontinua I relasion I Natibu yan siha ni Hapones nai. Pues sigi di man nahanao magge este siha na taotao kon todun estudiante siha para ufan man ayuda. Pues kasi kanaha tres meses ayo na tiempo I estodianten Hapones ni man matto man man ayuda nai. Pues ma'areglata ayu siha sa ginen, tibai hualok na mayamak lao I peta yan bintana siha, alakuenta manaigue nai. Pues nu ma'areglata yui lao temporario ha ayu siha na klasen areglamento guaha, lao timafa ofesina ensegidas ayue. Pues I Administration I Munisipat nu, gaige gi san haya na banda este. Gi hayan chalan nu dispensary este gi tiempon Hapones nai. Dispensarin I man machochocho giya Chalan Kanoa na....na... hospital, I man machochocho giya Chalan Kanoa siha na prohimo. I man

machochocho gi gualo, I factorian ayugui guato, hayan chalan gui. Pues anai sigisigi mona este nu man mangagagao hit lokkue ausilio parehoha ginen I militat yan ginen federal siha yan I United Nations. Pues guaha ayudo siha man mafato magi, adumidide lao sigiha de machogue maolek astake man maolek tatte ayi hagas Guma Yuus nai. Pues I tiempoko gui anai destiki hu tutuhon anai humalom yo gi Kongreson Munisipat, Saipan Legislature, tatte ni mafana 'an Saipan Legislature, lao anai humalom yo gui tiempon munisipat nu... a.... Saipan Congress.

K: Hafa Na Sakan ennao?

I: Sisenta.....dispensayo....sin kuenta nuebe na sakan. Sinkuentai nuebe na sakan nu hututuhon nu humalom gi Saipan Munisipat, Saipan Congress. Pues sigisigi mona mana guaha District Legislature no.... Pues sumeparao I haye man ma ilih para I District Legislature, ya este iya Susupe nai mafatinas I ofesinan niha. Pues man ma-move guato guihe, pues I Munisipat sumagaha guihe guato nai. Pues todo enao na tiempo mana setbe ni Munisipat guihe. Pues anai mana guaha Ordinansia guihe nai humalom yo, ma ilih yo komo Speaker no. I dumeririh I Kongresso mona, lao ayu siha na tiempo puru temporario, part time ha, in other word, taya fulltime guihe astake anai ma ilih yo nai. Kasi mina segundo tetnino nai man mamatinas Ordinansia, Ya haye para mona ya ma ilih para Speaker, para umana guaha ayu I full-time nai, ya para uma suetdo lokkue as a full time Speaker,

Speakership. Pues guaho I primet na Speaker gi Munisipal Legislature. Sigi sigi nai mona ayi gue nai enfatinas I Municipal Code. Pues humuyong I naan gui na Saipan Legislature.

K: Okay, nu I hinasommo tatte, kana todudu I man malofan na Atkaden Saipan muna setbe ayu na ofesina no?

I: A...ti todo. Ayu I san hayaha na banda. I san haya I Administration, pago ayo I san lago tayaha. Kulanha nu fina a...guaha na banda ayi mapolo komo storage no, diposito. Lao anai ma ilihi yo ya para bai huchuli ayo I full time Speakership nai, pues estag gaige enao gi papa I responsabilidatho. Pues ensegidas huchogue taimano nai para uam...en hatsa mas. Pues nu ma'aregla ni para sina sumetbe dos na klasen ofesina guaha guihe. Pues I segundo bibenda nai este, sa gi magahet unoha ayi, un bibenda lao enao huhaso na para baien fatinas para I ofesinan I Kongresso I san hilo nai Kongresson Munisipal, Saipan Legislature lao, lao hita nai Kongresson Munisipal anai humuyong I District Legislature. Pues esta man a'abag I taotao haye na kongresso. Pues enao machogue anu ayu, ma patdet I lamita par I san hilo I ofesinan I kongresso. Pues I san papa para I ofesinan I Mayor. Pues ayona ma move lago I Mayor gi anai monhayan I gima. Pues I Mayor gaigi gi san papa. I administration, guaha guihe nu Finance Office, guaha statistical office yan guaha legal office nai. Pues ti unhasso guihe na tiempo no? I Legal Service gi I Munisipata Chamorro ha este siha. Machocho guihe si Ben

Gogue ginen Guam este ya gof maolek nai ayudantena ni taotao. Pues mafatinase un lugat para ofesina I Legal Office, I otro ofesinan I Mayor, I otro ofesinan Statistics. Un hasso si Tun Antonion Apa no (Mr. Antonio R. Guerrero). Pues un banda nu...i...Finance. Pues gi sanhilo nai gaige I ofesinan I Saipan Legislature, I Kongresson Munisipat. Pues I san tatte, gi san mena maluga ayo I para I hall sagan meeting. Pues maseha hafa na fina gathering guihe, nu...pat hafa na fina hearing nai, manasesetbe nai ma meeting ham. Pues ma dibide gi san tatte para I un kuato gui para I ofesinan I Secretario yan I Speaker, gi otro kuato nai.

K: Un hasso antes tatte gi mit nuebe sientos, yanggen ti lache yo, sinkuentai nuebe (59) yan I sisenta (60) siha na sakan gi anai kada mato este I July 4th ... pat I United Nations Day ma'usa ayi i.....

I: Ya, hunggan nu, antes de...un ratoha... antes de umachogue este machogue para second story nai, nu enna sesetbe ayo I san papa trabia, an man meeting ham, taya trabia full time Speaker gui, astake gumuaha full time Speaker, ayo nai machogue guihe. Pues desde ayo na tiempo nai, desde 1947.....48 ai despensa hit 1949, 50, 51, mona manasesetbe ayo para anggen para an guaha siha meeting pat hafa na finia nu..... meeting nai, sa guaha nai man matto I United Nations Visiting Mission. I taotao nai man meeting guato yan I Kongresso siha. Buente ekua kao un hasso un tiempo guaha lokkue nai man matto I U.S. Delegation, nina hanao President Kennedy magge este I Salomon Group no. Kada guaha

para meeting gi taiguenao ayogue nai man meeting hit nai. Despues nai machogue I sanhilo.

K: Uno gi entre I mas, uno gi man impotate lokkue na ofesina un tiempo an tilache yo fanaan membro hao gi Marianas Political Status Commission?

I: Hunggan...hunggan.

K: En isa lokkue ayo na lugat?

I: Hunggan, en isa ...era ayu na lugat nai man meeting ham nai I gima Kongresso.

K: Kuantu tiempo nai in-negosio I Covenant?

I: Kasi kana tododo I biahe, desdeke ma tutuhon I negosio astake ifakpo. Guaha nai madeside parai.....ahe ayo I madeside para uma tulaika anai para uma fitna I Covenant. Yama polu guato gi Mount Carmel na auditorium poti ancho I lugat nai. Despues taya ufato ya ufan estotba sa gaige halom I campus eskuela este ya despues matungoha lokkue na majority man Katoliko hit na taotao I tano, ayo ayo na taya ni uno umasa na para ayo guato nai para umapolo, Ya si Ambassador Williams, guiya I chief negotiator ginen Washington nai, guiya dumisiside na yanggen man malago ham ya mangonfotme ham para ayu guato para mapolo para ma fitna I Covenant. Lao todou I negosio siha I meeting nai ayi guato gi Saipan Legislature.

K: I primet na ofesinan Carolinian Affairs gaige guihe na lugat lokkue no?

I: A.....

K: I Carolinian Affairs gi anai humalom I Commonwealth.....?

I: Kasi buente, some part gi san papa. Ayi taimano ayo I husangan, I ofesinan I Mayor, pues I Legal Office, yan I Finance yan I Statistics nai, Somewhere ginen ayo na kuato nai ma polo fanaan I Carolinian Affairs. Despues tinahong kuato guihe ya ayo nai man huyong yama espiha otro na lugat para una-guaha nu.....

K: Mr. Camacho, nu I gobietnamenton Iya Marianas, anai I U.S. Post Office ni ayu na lugat I hagas ofesinan miyo ni parehoha ofesinan Mayor, ofesinan I Saipan Congress, High Council, Municipal Council, lokkue anai manegosio I Covenant yan hamyo ni Marianas Status Commission. Dangkulo significasiona ayo guatona lugat para I bandan estoria ya guaha planon I Post Office para huyulang papa ayo na guma. Para unatacho yan una la-dangkulo I ofesinan niha I U.S. Post Office. Hafa hinasomo ni enao na, na disision?

I: A.....hutungoha na nachuka hafa bai husangan buente tibai matatoueha lao I opinionha nai, Mr. Rosario Herbert no. Hunggan gi magahet, manpos historical ayu na guma, sa I primet na manasetbe gui ni Natibo mafa Guma Yuus. Pues segundo I gobietnon I Natibo no. Taimanoha ayo I unsangan, ni para umanegosio I Covenant, yan maseha hafa na, na, na fina ira. Meggai lokkue na taotao man mafato guato guihe nai man liliheng nai tat komo este I pagyo. Ya magahet na hunggan, bai husangane hao na ha-estotbayo yanggen para umaderoga ayo papa para uma destrosa nai. Sombres ayo I bisinuna ni estaba gi finenina

manasesetbe gi ofesinan I Mayor antes de uma move gi sanlago nai. Ayu gui na guma hinatsan Hapones lokkue. Hospitat Hapones nai. Mampos ha destrosa I hinasoko lokkue, ha estotba hinasosoko ayi para umayamag ayo papa. Nu fuera de I historic, historical este I estoriata pot I gobietnamento ni tana setbe I Covenant siha nai. Nu man-honggeyo lokkue nu este I torista nai. Ya tododo I torista ni man mafato mage guine ya malie este siha na lugat, guaha nai ilegniha, a.....safana'an guma fotmation Hapones este na guma. Yanggen man mamaisen ya man manae siha kabales siha na info'masion nai, mampos ninifan yuy ni gagaigeha na ma-presetba, lalalaha estatoha I gima. Nu gof yahu mohon na todudu I gima I na-natacho nai ufanniasagaha mohon taiguihe kosake sina guaha manasesetbe ni taotao lao umafa maolek nai, enlugat de uma yamak papa. Pago yanggen finagchae eyi esta pot I megai na ira yan hafkao siha gi tiempon gera, pues I linao ya kulan mohon peligro nai nu, tinisesario nau mayulang yui, sinaha matupa didide ya uma aregla hulu taimano este I gima yuus lokkue. Este I gima yuosta nu anai machogue este siha nai, puruha unai ya ma'asin I hanom nai yan I inai lokkue ma'asin sa untungoha na dumadania este ya I tasi. Maseha anglo nai un chule. Para umaolek I structure nai mesklan I simento debidi hutai asiga I hanom. Huma'akontra I lilog ya I lilog yan I patdit nai sumisiha ya an ma'asin I patdit nina tinanake i.....rebar. Ya ayigi

yumayamak siha I patdit adumididi nai. Pues megai na guma siha manaiguenao na difecto guaha lao tinisisario na, na umayamak papa nai. Ma chip out ha' talo didid. Ombres ti parata fanague hafa checho engineering pat atbanet siha lao talieha na enague siha ma chochogue nai, that can be easily.... Libiano ayo para umachogue I para uma preserved ayu ya uma 'aregla hafa na difecto. Lau uma poloha ayi gi magahet sa significante ayo para hita.

K: Si Yuus Ma'ase. Guaha mas malago hao para un sanggan, fuera di enao I pago un sanggan?

I: Este I Post Office nai, hungan, talieha na mampos congested. Ayo nai ihot demasio ya guaha na ha estototba hit sa an sesso hit di man nahanao pat sesso hit di man resibe nai. Guaha na biahe nai inalulula hit ya tisina ta kubre I nisisidat sa bula taotao mamifila para ufan manule katga yan para ufan nahanao pat hafa siha nai. Ya huggan yaho Na bai hulie na uma expand I Post Office ni para setben I taotao siha. Lao sin umayamak ayu na guma. Dangkulo na lugat guaha guihe. Sinaha ayi.... bai sangane hao na achoka haye ya uhinatan yuhe sinaha ayi uma preserve, an malago unasetbeha lao uma preserve I gima guihe, ya umapolo as Historical este. Yata na fanmanlie I famaguonta yan I famaguon I famaguonta na ayugui na guma ayu I muna fanai guine hit pago na tiempo, sa ayugui na guma nai ma-deskute I konbate ni parata fan halom gi siudadanun Amerikano nai. Pues dangkulo esti signifkasiona para hita. Polo mohon ya

uma satbaha ayu na guma, na anok gi famaguonta gi mamamaila siha na tiempo, ya sina mapolo gi sanhiyong na historical esti na guma sa hasetbe hit, na mair "
Katoliko, hasetbe I gobietnota ni I linalata pago. I iyota direcho nai guato gi Estados Unidos. Ya hinasoko na buente bonito yanggen sina, yanggen guaha opinion ni humuyong gi pobluko bai enfan man fitna na guaho bai fan fitna para uma preserve ayo I gima.

K: Si Yuus Ma'ase.

I: Enao yahu na sina uma preserved ayo sin umayulang.

K: Talo unbiahe, Si Yuus Ma'ase.

I: Bien probecho.